

MORNING GOJRI NEWS BULLETIN 24 APRIL 2018

PM GRAM SWARAJ

وزیر اعظم نریندر مودی اج قومی پنچایت راج دن غاموقع ور ریاست مدھیہ پردیش غامونڈلاضلع ± لمانہہ راشٹریہ گرام سورا ج ابھیان نانہہ شروع کراویں گا۔ اس سکیم غے تحت ای پنچایت مشن موڑ پروجیکٹ غے ذریعے ای گورننس گی خاترتربیتی تے عمارتی ٹہانچہ بارے اقدامات کیا جیں گا۔ اس موقعہ ور جناب مودی پوراملک غاپنچایت نمائنداں سنگ وی خطاب کریں گا۔ یاہ سکیم ملک غی تمام ریاستاں تے مرکز غے تحت علاقان مانہہ وی لاگو کی جے گی۔ جت پنچایت موجودنہیں ہیں۔

ENCOUNTER

جنوبی کشمیر غاضلع پلوامہ غاترال سب ڈویژنل غا لام جنگلاتی علاقہ مانہہ اج سویرے حفاظتی دستاں تے ملی ٹینٹاں بشکارایک تصادم شروع ہوؤ ہے۔ حفاظتی ذرائع نے آل انڈیا ریڈیو نانہہ دسیو ہے جے دو تیں ترے بے پشان ملی ٹینٹ اس علاقہ مانہہ کھیرلیا گیا ہیں۔ ذرائع غوکھنو ہے جے اس ویلے ات دواں طرفوں پہاری فائرننگ غوتبادلو ہورہیو ہے۔ تے مزید تفصیلات غواجوں انتظار ہے۔

CEASEFIRE

پونچھ ضلع مانہہ کنٹرول لائن ورپاکستانی فوجی دستاں نے کل شام ایک وری فیر پہاری فائرننگ کی تے مارٹر غاگولہ دا گیا۔ دفاعی ذرائع نے آل انڈیا ریڈیو جموں نانہہ دسیو ہے جے ضلع پونچھ غاکرشناگھاٹی سیکٹر مانہہ کل شام تقریباً ساڑھ پنج بجے پاکستانی فوجی دستاں نے بھارتی چوکیاں تے سول آبادی نانہہ نشانو بنایو تاں واں بلااشتعال فائرننگ شروع کردتی ہے۔ سرحدورنگران بھارتی فوج نے وی اس فائرننگ غوموثر جواب دتو تے اس طرح یاہ دو طرفہ گولہ باری دوگھنٹاں تک جاری رہی۔ بھارت غی طرفوں اجوں تک کسے غاوی ماریجان یازخمی ہون غی کائے خبرنہیں۔ اس فائرننگ غے دوران چھوٹا ہتھیاراں خودکار ہتھیاراں تے مارٹراں غواستعمال کیو گیو۔

RESHUFFLE

بی جے پی جماعت غاصدر امت شاہ اج جموں کشمیر مانہہ پی ڈی پی بی جے پی مخلوط حکومت مانہہ پارٹی غا وزراء، پھر بدل بارے حتمی میٹنگ کریں گا۔ جموں پارٹی غا ذرائع غے مطابق بی جے پی غی یاہ اعلیٰ سطحی میٹنگ اج نویں دلی مانہہ دوبارہ منعقد ہورہی ہے۔ نائب وزیر اعلیٰ ڈاکٹر نرمل سنگھ بی جے پی غا ریاستی صدر ست شرما تے پارٹی غامہتم سیکریٹری اشوک کول کل قومی راجدھانی پج گیا۔ جت وے اس میٹنگ مانہہ شرکت کریں گا۔ جس مانہہ جناب رام مادھو وزیر اعظم

غادفتر مانہہ وزیر مملکت ڈاکٹر جتندر سنگھ تے اویناش رائے کہنہ وی شرکت کریں گا۔ واضح رہ کٹھو عہ مانہہ عصمت دری تے قتل معاملہ بارے اختلافات و روزیر جنگلات چوہدری لعل سنگھ تے صنعت و تجارت غاوزیر چندر پرکاش گنگا نانہہ استعفیای توں بعدوزیر اعلیٰ کی کابینہ میں پھیر بدل ضروری ہوگیوتھو۔

STATE CABINET

وزیر اعلیٰ محترمہ محبوبہ مفتی غی سرپرستی مانہہ اج ریاستی کابینہ غی میٹنگ منعقد ہو رہی ہے جس دوران نابالغ بچیاں غی عصمت دری غاقصو رواری نانہہ سزائے موت دین غوقانون مہیا کروان بارے ایک آرڈی نینس منظور کرنومتوقع ہے۔ ریاستی کابینہ غی اس میٹنگ مانہہ ریاستی سرکار غاملازمین تے پنشنرز غاحق مانہہ ستواں تنخواہ کمیشن غی سفارشات نانہہ لاگو کرن بارے فیصلو وی متوقع ہے۔ سرکاری ذرائع غے مطابق وزیر اعلیٰ کی سرپرستیت مانہہ یاہ کابینہ میٹنگ سول سیکرٹریٹ مانہہ سویرے گیارہ بجے شروع ہوئے گی۔ جس مانہہ بڑہ انتظامی اجنڈاں غی منظور بارے غور کیوجے گیووزرا غی کونسل مانہہ پھیر بدل غانتناظر تیں پہلاں یاہ آخری کابینہ میٹنگ وے گی۔

WOMEN COMMISSION

عدالت عظمیٰ سپریم کورٹ نے مرکزی حکومت نانہہ کہیوہے جے واہ دفاعی خدمات مانہہ شارٹ سروس کمیشن یعنی ایس ایس سی غاعہدہ وں کم کر رہی خواتین نانہہ مستقبل کمیشن دین غامعاملہ وں اپنوفیصلو واضح کرے۔ جسٹس این وی راماناتے جسٹس ایس اے نظیر ورمشتمل ایک عدالتی بینچ نے کل اس سلسلہ مانہہ ایک وں واضح پالیسی سنگ وزارت دفاع تیں بیان حلفی منگیوہے۔ سنوائی غے دوران وزارت غی طرفوں ات حاضر اضافی سالیسٹر جنرل منندر سنگھ نے بیان حلفی دائر کرن بارے دوہفتاں غووقت منگیوہے۔

DEFENCE MINISTER CHINA

مرکزی وزیر دفاع محترمہ نرملا سیتارمن اج بیجنگ مانہہ وزرا ءدفاع غی شنگھائی تعاون تنظیم غی سربراہ کانفرنس مانہہ شرکت واسطے چین پچ گئی ہیں۔ آتی شنگھائی سربراہ کانفرنس غی بنیادی تیاری بارے یاہ میٹنگ منعقد ہو رہی ہے۔ وزیر دفاع ات اپناقیام غے دوران چین غابہت سارہ لیڈران سنگ ملاقات کریں گے۔ شنگھائی باہمی امدادی تنظیم یعنی ایس سی او غی سالانہ سربراہ کانفرنس جس مانہہ بھارت تے پاکستان ہون بی شامل کیا گیاہیں۔ جون مہینہ مانہہ چین غاشہر ڈنگڈاؤ مانہہ منعقد وے گی۔ وزیر خارجہ محترمہ سشماسوراج پہلاں بی چارروزہ دورہ چین مانہہ ہیں۔

TRAFFIC WEEK

وزیر مملکت ٹرانسپورٹ سنیل کمار شرم نے جاتے روز گلشن گراؤنڈ جموں مانہ سڑک سیفٹی ہفتہ
گواقتتاح کیو۔ اس موقعہ ور بولتاں واں وزیر موصوف نے روڈ سیفٹی غی اہمیت تے اس ہفتہ ناہ
منان بارے جانکاری دتی۔ انہاں نے کہیو جے ہندوستان مانہ اٹھ لکھ توں متاسڑک حادثہ پیش آویں جن
مانہ لگ بھگ ایک لکھ پچاس ہزار افراد ہلاک ویں۔ انہاں نے کہیو جے جموں کشمیر مانہ ایک سال
مانہ پنج ہزار سڑک حادثاں مانہ لگ بھگ ایک ہزار توں متا افراد ہلاک ویں۔ انہاں نے سڑک حادثاں
تیں بچن واسطے ہیلمت، سیلٹ تے دوجی احتیاطی تدابیر اپنان ور زور دتو۔

SPORTS

گاندھی میموریل سائنس کالج جموں مانہ منعقدہ ستواں شمالی زون کرکٹ ٹورنامنٹ کل اختتام
پذیر ہوگیو۔ پولیس گاڈائریکٹر جنرل ڈاکٹر ایس پی وید اس ٹورنامنٹ غی افتتاحی تے انعام تقسیم
تقریب مانہ مہمان خصوصی تھے۔ بحراں بارے جموں کشمیر کرکٹ ایسوسی ایشن غی طرفوں
منعقدہ یوہ ٹورنامنٹ اس مہینہ غی اٹھارہ تاریخ ناہ شروع ہوئی تھی۔ جس مانہ خصوصی
کھلاڑیاں غی بکھ بکھ ٹیمیاں نے شرکت کی۔
